

Տիրան Մարութեան

Որեւէ յուշարձանի վերակազմութիւն նախագծելիս աւերակից վերցում է հնարաւոր առաւելագոյնը, քանի որ դա ամենակարեւորն է եւ երբեմնի կանգուն յուշարձանին առաւել մօտ, ճշմարտաման նախագիծ ստեղծելու համար:

Բոլոր դէպքերում, որպէս կանոն, նախ ուսումնասիրում են պեղումներով բացուած յուշարձանի բոլոր մնացորդներն իրենց տեղում, այնուհետեւ արձանագրութիւնները, մանրակերտը, եթէ բախտի բերմամբ այդպիսին եղել է, նաեւ՝ նոյն ժամանակներում կառուցուած կանգուն կամ աւերակ նոյնատիպ եւ այլ յուշարձաններ, գրաւոր նկարագրութիւններ, նկարչութեան եւ մանրանկարչութեան, քանդակագործութեան եւ կիրառական արուեստի գործեր, որոնք այս կամ այն չափով, ուղղակի կամ անուղղակի առնչում են տուեալ յուշարձանին:

Այս առումով Զուարթնոցի վերակազմութեան համար միւս նիւթերի շարքում կարեւոր տեղ են գրաւում այն երեք հարթաքանդակները, որոնց մասին խօսում է ստորեւ:

Փարիզի Աստուածամօր տաճարի դիմաց մինչեւ այսօր կանգուն է 1243-1248 թուականներին կառուցուած, առաջներում՝ Արքայական, այժմ՝ Արդարադատութեան պալատին կից եկեղեցին՝ Սեն-Շապելը: Այդ եկեղեցու երկրորդ յարկի բաց սինսարահում՝ աղօթասրահի գլխաւոր մուտքի ձախ քարակոփ պատին, պահպանւում է թեմատիկ հարթաքանդակների մի շարք՝ աստուա-

ծարանական-դիցարանական բովանդակութեամբ:

Այդ քանդակներից մէկի վրայ պատկերուած է Նոյեան տապանի շինարարութիւնը, պատկերի աջ կողմում՝ գետնի վրայ¹, երեւում է մի եկեղեցական շէնք: Յաջորդ քանդակում արդէն պատրաստ Նոյեան տապանն է, վերահաս ջրհեղեղից խուսափող զանազան կենդանիներ թեք տախտակամածի վրայով բարձրանում են նաւը, ուր նախօրօք տեղ են գրաւել մարդիկ չորս հոգի: Այն եկեղեցական շէնքը, որը նախորդ քանդակում գետնի վրայ էր, այժմ տապանի վրայ է: Քանդակներից երրորդում պատկերուած է հեղեղուած աշխարհը, ջրերի վրայ միայնակ Նոյեան տապանն է, որ տանում է մարդկանց ու եկեղեցական շէնքը: Պատկերի աջակողմեան մասից, որտեղ եղանակը պարզուել է, մօտենում է թեւատարած մի աղանի՝ կտուցում մի շիւղ, որպէս մօտակայ ցամաքի նշան:

1 շէնքինակը սխալում է. եկեղեցական շէնքն այս պատկերում արդէն իսկ տապանի մէջ է: շէնքինակի սխալմունքը պայմանաւորուած է իր ձեռքի տակ գտնուող, դեռեւս 1959 թ. արուած սիրողական սեւ-սպիտակ լուսանկարների վատ որակով: Ներկայ յօդուածում տեղ գտած լուսանկարներն արուած են 2008 թ.: Դրանց հեղինակը ՀՀ ԳԱԱ հնագիտութեան եւ ազգագրութեան ինստիտուտի աւագ գիտաշխատող, ՀՀ ԳԱԱ թղթակից-անդամ Լեւոն Աբրահամեանն է, ում յայտնում ենք մեր խորին շնորհակալութիւնը լուսանկարների սիրայօժար տրամադրման համար:

Յիշեալ քանդակների նոր մեկնաբանմամբ² պարզորոշ ասում էր. 1. Նոյեան տապանի վրայի եկեղեցական շինությունը մեր Ձուարթնոց տաճարի վերապատկերումն է: 2. Այդ քանդակները կատարուել են տաճարի կառուցմանը զուգընթաց: 3. Վերոյիշեալ պատկերների քանդակողը պէտք է որ հայ եղած լինի, այն վարպետ-ճարտարապետներից մէկը, ով Ելրոպա է հասել նոյն ճանապարհներով, որով անցել-տարածուել է քրիստոնէութիւնը: 4. Նկատի ունենալով, որ Ձուարթնոցը կործանուել է Սեն-Շապելի կառուցումից մօտ 250 տարի առաջ, քանդակողը, տեսած չլինելով այդ տաճարը կանգուն վիճակում, նրա պատկերին պէտք է ծանօթ եղած լինի կա՛մ մանրակերտի, կա՛մ գրականութեան, մանրանկարչութեան նիւթերից, որոնք յետագայում ոչնչացուել, անհետացել են մեր մշակոյթի շատ ու շատ այլ կոթողների հետ օտար ասպատակութիւնների հետեւանքով: 5. Ի վերջոյ, յիշեալ քանդակապատկերներն ասում են, որ Ձուարթնոցը եղել է եռաստիճան, եւ որ բոլոր աստիճանների հիմքում ունեցել է բոլորակ ձեւ, այսինքն՝ այնպէս, ինչպէս 55 տարի առաջ (1904 թ.) պատկերել է իր վերակազմութեան նախագծում մեծ գեղագէտ եւ գիտնական ճարտարապետ Թորոս Թորամանեանը: Սա այն կարելորն է, որ պէտք է նկատի ունենան Ձուարթնոցի վերակազմութեան՝ Թորամանեանի նախագծի ճշտութեան վիճարկողները: 6. Այսպիսով, Փարիզի քանդակը Ձուարթնոցի համար ստանում է այն նշանակութիւնը, ինչ որ 1906 թ. յայտնաբերուած

Գագկաշէնի մանրակերտը՝ Գագկաշէնի համար:

Սեն-Շապելի հարթաքանդակների մեր նոր մեկնաբանութիւնն իր ժամանակին հետաքրքրում է շատերին, նրանցից ոմանք այն ողջունում են, արձագանքում, հաստատում, միւսները՝ չեն ընդունում, վիճարկում են ու մերժում:

Անցած քսան տարիների ընթացքում Ձուարթնոցի թորամանեանական վերակազմութեան քննարկումներին զուգընթաց, շարունակաբար արծարծում են նաեւ այս քանդակների եւ Ձուարթնոցի ու զուարթնոցանման տաճարների առնչութիւնները:

Ճարտարապետ-գիտնական Մարտիրոս Գաւուկչեանը, բարձր գնահատելով երեւոյթը, գրում է. «1243-1248 թուականներին կառուցուած Փարիզի Սեն-Շաբել եկեղեցու բարձրաքանդակները Ձուարթնոցի վերակազմութեան հարցի համար խոշոր յայտնութիւն եղան»³:

Փարիզում 1962 թ. լոյս է տեսնում ֆրանսահայ ճարտարապետ Էդուարդ Ութուջեանի աշխատութիւնը, որտեղ առկայ հայ ճարտարապետութեան յուշարձանների շարքում, Ձուարթնոցին նուիրուած նիւթերի հատուածում գետեղում է Սեն-Շապելի վերոյիշեալ քանդակի երկու լուսանկար, որով հեղինակը կարծես թէ հաւաստում է իր համաձայնութիւնը, գրելով. «Սեն-Շապելի շքամուտքը, որտեղ պատկերուած է Ձուարթնոցի եկեղեցին (?), այն նոյն տեղում, որտեղ նա գտնուում է Արարատ լեռան դիմաց, Նոյեան տապանի հետ մեկտեղ»⁴:

2 Տե՛ս Տիրան Մարութեան, Մի նորայայտ վկայութիւն, «Գրական թերթ», 3 ապրիլի 1959 թ., թիւ 13. նոյնի, Ձուարթնոց եւ զուարթնոցատիպ տաճարներ. Ճարտարապետական-քննական ակնարկ, Երեւան, 1963, էջ 117-118:

3 Մարտիրոս Գաւուկչեան, Ձուարթնոցի վերակազմութեան հարցը, «Գրական թերթ», 19 մայիսի 1972 թ., թիւ 21:

4 Edouard Utudjian, *Mission Technique en Arménie*, Paris, 1962, Editions "Le Monde Souterrain", p. 28.

Յովհաննէս Խալիփախչեանը 1962 թ. յօդուած է տպագրում՝ նուիրում Սեն-Շապելի հարթաքանդակների նոր մեկնաբանմանը, համաձայնում, որ այդպիսիք կերտել են հայ վարպետները: Նա այն կարծիքն է յայտնում, որ քանդակներում պատկերում է ոչ թէ Ջուարթնոցը, այլ Գագկաշէնը, որը ԺԳ. դարում, երբ կառուցում էր Սեն-Շապելը, թէպէտ վնասուած, բայց դեռ գոյատևում էր (ընդհուպ մինչև ԺԴ. դարը՝ 1319 թ.): Նա նաև գրում է, որ Սեն-Շապելի յետագայում վնասուած քանդակները վերականգնուել են ԺԹ. դարում, եւ որ քանդակողը տապանի է շինութեան հարցում մնացել է հաւատարիմ նախնականին՝ միջնադարեան ձեւերին⁵:

Սեն-Շապելի քանդակներով, նրանց նոր մեկնաբանման կապակցութեամբ ժամանակին որոշակի հետաքրքրութիւն են ցուցաբերում Ռումինիայի՝ հայ արուեստին ծանօթ գիտնականները:

Սեն-Շապելի երկու քանդակների մեծադիր մի լուսանկար երկար տարիներ՝ մինչև 1978 թուականի աշունը, Ջուարթնոցի թանգարանի կարելոր ցուցանմուշներից էր:

Բայց ահա, Սեն-Շապելի հարթաքանդակների որեւէ առնչութիւն Ջուարթնոցի հետ անվերապահ մերժման է արժանանում Ստ. Մնացականեանի կողմից: Եւ այդ հասկանալի է այն առումով, որ յիշեալ քանդակներն իրենց արտայայտութեամբ հաւաստում են ոչ թէ Ստ. Մնացականեանի, այլ Թորամանեանի վերակազմութեան մեծ հաւանականութիւնը:

5 Յովհաննէս Խալիփախչեան, *Միջնադարեան Հայաստանի եւ Ֆրանսիայի մշակութային կապերի հարցի շուրջը* (Սեն-Շապելի բարձրաքանդակները,- «Սովետական Հայաստան», 1962, թիւ 7, էջ 32-35:

Ստ. Մնացականեանը Սեն-Շապելի հարթաքանդակների նոր մեկնաբանմանն անդրադարձել է երեք անգամ⁶:

Եթէ առաջին յօդուածում, որ գրուած էր հապշտապ եւ հակաճառութիւնները գիտականօրէն կշռադատուած բնոյթ չունէին, ապա յաջորդ յօդուածում, որի հիմնական մասը նոյնութեամբ վերատպուել է 1971 թ. վերոյիշեալ գրքում, Ստ. Մնացականեանը ելնում է Յ. Խալիփախչեանի 1962 թ. տպագրած յօդուածից՝ կռուան դարձնելով այն միտքը, որ դիտարկուող քանդակներում վարպետը լաւ է իմացել մարդակազմութիւնը, ապա եւ, նրանցում իբր առկայ է հեռանկարային կառուցման օրէնքների գործադրութիւնը, օրէնք, որը ԺԳ. դարում դեռ անյայտ էր, հետեւաբար, եզրակացնում է Ստ. Մնացականեանը, այդ քանդակները պատրաստուել են ոչ վաղ, քան ԺԷ. կամ ԺԹ. դարերում, երբ յիշեալ օրէնքը սահմանուած էր ու գործում էր, եւ «...երբ ոչ մի խօսք չէր կարող լինել Գագկաշէնի (էլ չենք ասում՝ Ջուարթնոցի ձեւերի) վերարտադրութեան մասին»⁷:

Մնացականեանը շարունակում է. «Բաւական է նայել բուն տաճարի կամարաշարերին՝ համոզուելու համար, որ այստեղ եւս առկայ է քանդակագործի նոյն մօտեցումը՝ կենտրոնական կամարներն աւելի լայն են եւ, քանի գնում

6 Ստեփան Մնացականեան, «Մի նոր վկայութիւն», որ արժանի է հերքման,- «Սովետական արուեստ», 1959, թիւ 7, էջ 33-35. նոյնի, Տ. Մարութեան եւ «Ջուարթնոցը եւ զուարթնոցանման տաճարները», *Հայպետհրատ, 1963. գրախօսութիւն*,- «Հայկական ՍՍՌ Գիտութիւնների ակադեմիայի տեղեկագիր». Հասարակական գիտութիւններ, 1964, թիւ 2, էջ 99. նոյնի, *Ջուարթնոցը եւ նոյնատիպ յուշարձանները*, Երևան, 1971, էջ 208-210:

7 Ստեփան Մնացականեան, *Ջուարթնոցը եւ նոյնատիպ յուշարձանները*, էջ 209:

են դէպի եզրերը, աւելի են նեղանում, փոքրանում»⁸:

Անկախ նրանից, որ ԺԳ. դարում «Մարդակազմութեան» դասընթաց (ներկայ իմաստով) դեռ չէր ստեղծուած, ինչպէս եւ առարկաների պատկերման հեռանկարային ներկայ օրէնքները բանաձեւի տեսքով չէին սահմանուած, քանդակագործները մարդկանց եւ կենդանիներին, նաեւ շինութիւնները մեծ մասամբ պատկերում էին միանգամայն նորմալ, ինչպէս որ բնութեան մէջ տեսնում էին: Որպէս ասուածի ապացոյց յիշենք հին յունական անկրկնելի քանդակները, որոնցում «մարդակազմութիւնը» անթերի էր, նաեւ՝ հայ մանրանկարչութեան Ժ.ԺԱ. դարերի որոշ օրինակներ, որոնցում շինութիւնները պատկերուել են բնական՝ հեռանկարային տեսքով: Եւս մի օրինակ. 1215 թ. այսինքն՝ ԺԳ. դարի սկզբին Անիի Տիգրան Հոնենցի կառուցած եկեղեցում իրականացուել է Տրդատ թագաւորի շքերթի որմնանկարը: Դրանում ձիու վրայ առջելից ընթացող Տրդատը պատկերուած է աւելի բարձր, քան նրան ձախից հետեւող արխազաց, վրաց եւ աղուանաց թագաւորները, նաեւ աջակողմից ընթացող երեք հեծեալները:

Սրանով կարելի է համոզուել, որ միջնադարի արուեստագէտների գործերում հեռանկարային պատկերումը գոյություն ունէր, թէպէտ եւ «օրէնքները» դեռեւս սահմանումներ չունէին:

Ներկայ դէպքում Սեն-Շապելի քանդակներում ինչպէս կենդանիները, նոյնպէս եւ շինութիւնը պատկերուել են առանց «հեռանկարային օրէնքների» գործադրման: Այստեղ խոշոր կենդանիները կոլը, առիւծը խոշոր էլ պատկերուել են,

փոքրերը՝ խոյր, խոզր, թռչուններն ու միւս կենդանիները, փոքր էլ պատկերուել են:

Շինութեան կենտրոնական կամարները կողայիններից լայն են ոչ թէ հեռանկարային պատկերաւորման շնորհիւ, ինչպէս կարծում է Ստ. Մնացականեանը, այլ յատակաձեւում բոլորակ շինութիւնն ուղիղ հարթութեան վրայ կրճատումով պրոյեկտելու շնորհիւ, ինչպէս սովորաբար լինում են բոլորակ շինութիւնների ճակատների գծագրերում:

Այսպիսով՝ պարզուում է, որ Սեն-Շապելի քանդակների ոչ սկզբնականը լինելու տեսական պատճառաբանութիւնները գուրկ են բաւարար հիմքից: Ինչ վերաբերում է նրան, որ քանդակները վնասուել են եւ նորոգուել, ապա պէտք է համոզուել, որ քանդակողը հաւատարիմ է մնացել սկզբնականին. դա ընդունուած կանոն է, որ արուեստի վնասուած յուշարձանները վերականգնուում են՝ հաւատարիմ մնալով սկզբնականին:

Սեն-Շապելի հարթաքանդակների եւ Ջուարթնոցի առնչութիւններին է անդրադարձել նաեւ Պ. Դոնաբեդեանը⁹: Յօդուածի հեղինակը նկատում է. «Ինչպէս երևում է Սենտ-Շապելի քանդակների հարցին վերաբերող յօդուածների հակիրճ ակնարկից, բանավէճի կենտրոնական տարրերից մէկը հանդիսանում է երեք զարդաքանդակների կատարման ժամանակը»¹⁰:

Ելնելով բանավէճի այս ընկալումից՝ հեղինակն իր յօդուածը հիւսել է հէնց այդ հարցի շուրջ եւ միայն դրա հի-

9 St' u Պատրիկ Դոնաբեդեան, Փարիզի Սենտ-Շապել եկեղեցու հարթաքանդակների հարցի շուրջը,- «Պատմաբանասիրական հանդէս», 1977, թիւ 1, էջ 262-266:

10 Նոյն տեղում, էջ 263:

8 Նոյն տեղում:

ման վրայ յանգել որոշակի եզրակացութեան. «...որ Նոյեան տապանը պատկերող երեք հարթաքանդակները ստեղծուել են անցեալ դարում, Սենտ-Շապելի վերանորոգման ժամանակ, եւ որ նրանք չեն վերարտադրում միջնադարեան նախորինակները»¹¹:

Պ. Դոնաբեդեանը, փորձելով մեզ համոզել, որ Սեն-Շապելի քանդակները ԺԹ. դարի գործեր են, միաժամանակ խոստովանում է. «Ճիշտ է, այդ գերեզմանի (խօսքը վերաբերում է Քրիստոսի գերեզմանին – Տ. Մ.) ստոյգ սկզբնական ճարտարապետական յորինուածքն անցեալ դարում անյայտ էր (Հ. Վենսանը եւ Մ. Աբէլը գերեզմանի ռոտոնդաձէլ յորինուածքի վերաբերեալ իրենց ուսումնասիրութիւնների արդիւնքները հրատարակեցին միայն 1914 թ., զիրքը հրատարակուել է 1920 թ., այսինքն՝ Թորամանեանի՝ Չուարթնոցի վերակազմութեան հրատարակումից տարիներ անց – Տ. Մ.), սակայն պէտք է ենթադրել, որ Սեն-Շապելի վերականգնողները քաջատեղեակ էին միջնադարեան նկարչութեանը եւ զարդակիրառական արուեստին, եւ որ մանրանկարներից ու փղոսկրեայ կազմերից նրանց յայտնի էին գերեզմանի այցելութեան բազմաթիւ պատկերները, որտեղ գերեզմանը բազմաթիւ ու աշտարակաձէլ է, երբեմն էլ՝ ռոտոնդաձէլ»¹²: Չիօսելով այն մասին, որ ամէն «ռոտոնդա» դեռ Չուարթնոց չէ՝ նկատենք սակայն, որ այս մէջբերման սկզբնամասն ու վերջը միմեանց ամբողջութեամբ բացասում են. սկզբում ռոտոնդաձէլութիւնը «անյայտ էր», վերջում՝ «բազմաթիւ պատկերներ երբեմն էլ՝ ռոտոնդաձէլ»: Սրանցից մէկն ու մէկը, իսկ մեր համոզմամբ՝ վերջնամասը,

իրականութեանը չի համապատասխանում՝ լոկ յայտարարութիւն է:

Բանն այն է, որ այս հարցն այժմ ոչ մի նշանակութիւն չունի, քանի որ Սեն-Շապելի հարթաքանդակների իրականացման ժամանակը հարցի լուծման վճռորոշ կողմը չէ. այն նոյնիսկ կարող էր աշխարհ եկած լինել ընդհուպ մեր դարի սկզբում, երբ դեռ չկար Թորամանեանի վերակազմութիւնը եւ յայտնի չէր Գագկաշէնի մանրակերտը. չէ՞ որ մինչեւ այսօր էլ այդ էքսպոնատների մի իրական կրկնօրինակ չի ստեղծուած: Դրա հիման վրայ մենք դարձեալ իրաւունք կ'ունենայինք դրանք համարել Չուարթնոցի վերապատկերում՝ աղբիւր-նախօրինակի հարցը թողնելով որպէս այլ քննարկման առարկայ:

Սեն-Շապելի հարթաքանդակների շուրջ ցարդ շարունակուող բանավէճերում անհարկի քննութեան ոլորտ են ներքաշուում երբեմն անկարելորդ կողմեր՝ մինչեւ վերջ չբացայայտելով հարցի հիմնականը, էութիւնը:

Այժմ կարելորն այն է, որ Փարիզի Սեն-Շապել եկեղեցում պահպանուում են որմնաքանդակներ, որոնք անվիճելիօրէն հանդիսանում են Չուարթնոցի կամ Չուարթնոցը կրկնող տաճարներից որեւէ մէկի վերարտադրութիւնը: Աշխարհում չկայ մի ուրիշ շինութիւն, որ իր արտաքին արտայայտչապատկերով այնպէս նմանուէր մի կողմից՝ յիշեալ քանդակներում պատկերուած շինութեանը, միւս կողմից՝ Չուարթնոցին, Գագկաշէնին ու մասամբ՝ Բանակին: Միայն սրանք են, որ նոյնական են:

Սեն-Շապելի դիտարկուող հարթաքանդակների եւ Չուարթնոցի առնչութիւնները վիճարկողներն անցած 20 տարիների ընթացքում շատ գրեցին, բայց եւ ի վիճակի չեղան ներկայացնել մի այլ շինութեան պատկեր, որ նոյնքան

11 Նոյն տեղում, էջ 264:

12 Նոյն տեղում, էջ 265:

նման լինել այդ քանդակներին, եւ այսպէս Ձուարթնոցին ու նրա նմանակներին (Մեն-Սաւենի մասին կը խօսուի ստորեւ):

Ձարմանային այն է, որ յիշեալ առնչութիւնները ժխտողները, միաժամանակ չեն ժխտում վերոյիշեալ էքսպոնատների առկայ նմանութիւնները, սակայն այդ երեւոյթը չեն գնահատում պրոֆեսիոնալ-մասնագիտօրէն: Օրինակ՝ Ստ. Մնացականեանը գրում է «...այն արտաքին, զուտ ձեւական նմանութիւնը, որը կայ Տ. Մարութեանի կողմից բերուած այդ պատկերաքանդակի եւ Գագիկաշէնի միջեւ, ոչ մի հիմք չի կարող տալ այդքան հեռու գնացող եզրակացութիւնների համար» (ընդգծումներն իմն են – Տ. Մ.)¹³:

Գրեթէ նոյն ձեւով է արտայայտուած նաեւ Պ. Դոնաբեդեանը գրելով, թէ «...Մենտ-Շապելի քանդակի նմանութիւնը Ձուարթնոցի եւ Գագիկաշէնի հետ պատահական բնոյթ է կրում» (ընդգծումներն իմն են – Տ. Մ.)¹⁴:

Եթէ այլ ասպարէզներում «արտաքին, զուտ ձեւական» նմանութիւնը հնարաւոր է, որ անկարելորդ լինի, այսպէս ճարտարապետական արուեստի կոթողների ոճական, կոմպոզիցիոն յորինուածքի եւ այլ կողմեր բնորոշելու համար «արտաքին, զուտ ձեւական» նմանութիւնն ունի առաջնակարգ, նոյնիսկ՝ վճռական նշանակութիւն, եւ այդ իրական երեւոյթը ոչ թէ պիտի արհամարհուի, այլ ըստ ամենայնի գնահատուի, եւ հէնց դրա հիման վրայ էլ «հեռու գնացող եզրակացութիւններ» կայացուեն:

Պ. Դոնաբեդեանը, ծանօթանալով գրականութեան մէջ հանդիպող՝ Մեն-Շապել եկեղեցուն վերաբերող նիւթերին, յիշեցնում է, որ «1793 թ. նոր կառավարութեան հրամանով քանդուեցին տաճարի վրայ գտնուող, ֆէոդալիզմի եւ միապետութեան հետ առնչուող բոլոր նշանները (իսկ դրանց մեծ մասը գտնուում էր արեւմտեան շքամուտքի վրայ)»¹⁵ : Նա նաեւ գրում է, որ «1630 թ. մեծ հրդեհից յետոյ տաճարի ծածկը փլուեց եւ երկրորդ յարկը վնասուեց»¹⁶: Ի վերջոյ, որպէս կարելորդ մտայնագում, գրում է. «Յամենայն դէպս, շքամուտքի գետնախարիսիսի վիճակին վերաբերող գրուածքներում հաստատուած է, որ սկզբնական քանդակներից գրեթէ ոչ մի բան չէր մնացել 1793 թ. յետոյ»¹⁷:

Եթէ իրօք անցեալ դարում վերականգնելիս յայտնի չի եղել սկզբնապէս գոյութիւն ունեցած քանդակների ինչ լինելը, այսպէս անհիմն է նաեւ պնդելը, թէ նորը սկզբնականի կրկնութիւնը չէ: Այդ մեզ յայտնի չէ: Միանգամայն հնարաւոր է, որ թէ՛ հինը, թէ՛ նորը նոյն նախօրինակի պատճէնները եղած լինեն:

Ափսոսանքով պէտք է նշել, որ Պ. Դոնաբեդեանի յօդուածում նոյնպէս առկայ է մի յատկանշական կողմ. դա այն է, որ որոշ հեղինակներ սկզբնաղբիւրների փաստերը մեկնաբանում են ոչ այնպէս, ինչպէս թելադրում է պարզ տրամաբանութիւնը եւ, այսպէս, ամենակարելորդ տեղերում նրանք չեն դիմում փաստացի եւ բառացի մեջբերումների, այլ իրենք են բնագրերը մեկնաբանում, ինչպէս այն հասկանում կամ, թերեւս, ինչպէս ուզում են հասկանալ եւ դրա հիման վրայ էլ յանգում են եզրակացութիւններին:

13 Ստեփան Մնացականեան, «Մի նոր վկայութիւն», որ արժանի է հերքման, էջ 35:

14 Պատրիկ Դոնաբեդեան, նշ. աշխ., էջ 266:

15 Նոյն տեղում, էջ 264:

16 Նոյն տեղում:

17 Նոյն տեղում:

Տուեալ դէպքում Պ. Դոնաբեդեանն իր յիշեալ յօդուածով յաւակնում է անհիմն համարել նախորդ հեղինակների մտայնագումները: Պէտք էր սպասել, որ այդ ցանկութիւնն իրականացնելու համար հեղինակը կը մտահոգուի եւ իր եզրակացութիւնների հաւաստութիւնը կ'ապահովի իր իսկ կողմից յիշուող «աղբիւրներում» տեղ գտած փաստերի ճշգրիտ մեկնաբանումներով եւ ապա՝ դրանց վերլուծական մեկնաբանութեամբ, որը սակայն տեղ չունի: Մասնաւորապէս, վերոբերեալ պնդումը՝ «Յամենայն դէպս, շքամուտքի գետնախարխիւի վիճակին վերաբերող գրուածքներում հաստատուած է, որ սկզբնական քանդակներից գրեթէ ոչ մի բան չէր մնացել 1793 թ. յետոյ»¹⁸ (ընդգծումն իմն է – Տ. Մ.), անտարակոյս պէտք է վաւերացուէր ճշգրիտ մէջբերումով:

Պ. Դոնաբեդեանը տեղեկութիւններ է քաղում նաեւ Սորբոնի պրոֆեսոր Լուի Գրոդէքի՝ Սեն-Շապելին նուիրուած աշխատութիւնից, որն ամէն կերպ բացառում է Նոյեան տապանի առկայ քանդակների վերարտադրութիւն լինելը: Թուում է, թէ մեր յօդուածագիրը պէտք է որոշակի վերապահութեամբ վերաբերուէր պրոֆ. Լուի Գրոդէքի այդ հաղորդումներին՝ նկատի ունենալով նրա աշխատութեան համեմատաբար ուշ ասպարէզ գալը (1975 թ.), երբ արդէն մեզ մօտ եւ, յատկապէս ֆրանսիական մամուլում յիշեալ քանդակները դիտարկուել էին նոր մեկնաբանութիւններով՝ նրանց իրականացման գործում տեսնելով հայ վարպետների մասնակցութիւնը:

Պ. Դոնաբեդեանը, ծանօթանալով Սեն-Շապելի հին նկարագրութիւններին, հանդիպում է «դժուարիմաց հարթաքանդակներ» արտայայտութեանը:

նա հնարաւոր է համարում ենթադրել, թէ այդ «տերմինի տակ պէտք է հասկանալ Նոյեան տապանը»¹⁹: Բայց եւ իսկոյն, հեռանալով այդ մտքից, տողատակում (16) նշում է. «Նոյ նահապետի պատմութիւնը՝ Աստուածաշնչի հանրաձանաչ էպիգոդներից մէկը, չէր կարող, իհարկէ, անհասկանալի թուալ ֆրանսիական հեղինակներին»²⁰:

Պէտք է նկատել, որ, իրօք, ֆրանսիական հեղինակներին, եւ ոչ միայն ֆրանսիական, յայտնի է Նոյեան տապանի լեզենդը ու նրա պատկերաւորումը քրիստոնէայ ժողովուրդների մօտ, հետեւաբար՝ Սեն-Շապելի քանդակի այդ մասը նրանց հասկանալի կը լինէր, բայց հաւանաբար «դժուարիմաց» է մնացել եռաստիճան շինութիւնը, որ չի յիշում Աստուածաշնչում:

Ըստ Պ. Դոնաբեդեանի՝ Սեն-Շապելի Նոյեան տապանի եռաստիճան շինութիւնը հանդիսանում է «Երուսաղէմի Քրիստոսի գերեզմանի խորհրդանշական պատկերը՝ ռոտոնդաձեւ, եռայարկ կառուցուածքի ձեւով»²¹: Ըստ Ստ. Մնացականեանի՝ այդ «բարձրաքանդակը կազմում է ֆրանսիական զարդարուեստի օրգանական մասը»²²: Նա նաեւ գրում է. «Նոյն այս ռոտոնդաձեւ, եռայարկ կոմպոզիցիան իր որոշակի դրսեւորումն է գտնում 4-րդ դարի սկզբում Կոնստանդինոս կայսեր մօր՝ Հեղինէի կողմից, Քրիստոսի գերեզմանի վրայ կառուցուած տաճարում»²³:

Բանն այն է, որ մինչեւ օրս յայտնի չէ, թէ Քրիստոսի գերեզմանի վրայ ինչ շի-

18 Նոյն տեղում:

19 Նոյն տեղում:

20 Նոյն տեղում:

21 Նոյն տեղում, էջ 265:

22 Ստեփան Մնացականեան, «Մի նոր վկայութիւն», որ արժանի է հերքման, էջ 35:

23 Նոյն տեղում, էջ 34:

նություն է եղել, թե այն ինչ ձև է ունեցել: Գոյություն չունի հնագոյն որևէ քանդակ (թեկուզ էլ «փղոսկրեայ կազմի վրայ»), մանրակերտ կամ մանրանկար, եւ ոչ էլ նկարագրություն, որն արտայայտէր Քրիստոսի գերեզմանի շինութեան ճշգրիտ ձևը: Առկայ են միայն ու միայն ենթադրություններ եւ այդ աննիւթական հիմքի վրայ մեր ժամանակներում որոշ հետազոտողների կողմից ստեղծուած վերակազմություններ: Նոյնիսկ փղոսկրեայ կազմերի վրայ երեւացող, որպէս Քրիստոսի գերեզման ենթադրուող շինությունները միմեանցից բոլորովին տարբեր յորինուածքներ ունեն: Եւ այդ բնական է, քանի որ փղոսկրեայ կազմեր պատրաստողները, տեսած չլինելով գերեզմանի վրայ որևէ շինություն, պատկերել են այնպէս, ինչպէս ենթադրել են, կամ ինչպէս աւանդաբար իրենց է փոխանցուել նախորդներից: Այդպիսին է նաեւ Ստ. Մնացականեանի յիշատակած Կոստանդինոսի մօր՝ Հեղինէի կողմից Քրիստոսի գերեզմանի վրայ կառուցուած տաճարը, որից ոչինչ չի մնացել, նրա ձևերը յայտնի չեն, վերակազմություններն էլ ենթադրական են: Դրանք մի դէպքում եռաստիճան են՝ բոլորակ հիմքով, միւս դէպքում՝ բազմանիստ-աշտարակաձէ եւ այլ ձևերի: Ըստ որում, դրանց հեղինակներից ոմանք պատկերներն ստեղծելիս անկասկած իրենց տրամադրութեան տակ ունեցել են ռէալ շինությունների վերակազմություններ, դրանց թում նաեւ թորամանեանական Ջուարթնոցն ու Գազկաշէնը, ինչպէս եւ Կալգինի Բանակը: Եւ ահա մեր օրերի այս հետազոտողները, Սեն-Շապելի ռէալ կրկնօրինակները թողած, ընկել, որոնում են երբեւէ չեղած մի պատկեր, որ նրանով ժխտեն ամեն առնչություն ռէալ յուշարձանների միջեւ:

Բայց իրօք, Քրիստոսի գերեզմանի

վրայ ռէալ շէնք եղե՞լ է, թե՞ ոչ: Ընդհանրապէս յայտնի է, որ շարունակաբար գործող, կարելոր տաճարները վնասուելուց յետոյ միշտ էլ նորոգուել, յարատեւել են: Եթէ Քրիստոսի գերեզմանի վրայ յատուկ շէնք եղած լինէր, նա չէր կարող քրիստոնէութեան կենտրոն Երուսաղէմում անհետք մնալ, տեսքով մոռացուել:

Նոյ նահապետի եւ իր տապանի հետ կապուած լեգենդի պատկերումը, ըստ երեւոյթին, եզակի երեւոյթ չէ. այն հանդիպում է տարբեր ժողովուրդների արուեստի եւ պատմութեան նիւթերում: Եւ ահա դրանցում բացակայում է Սեն-Շապելի բարձրաքանդակում առկայ շինությունը: Եթէ Քրիստոսի գերեզմանի վրայ շինություն եղած լինէր ու նրա պատկերը տարածում գտած՝ ապա տուեալ լեգենդի պատկերի բոլոր տարբերակներում շէնքը կը լինէր: Իրականում ոչ միայն Սեն-Շապելի քանդակներում, այլեւ մանրանկարչութեան շատ եւ շատ երկերում, միջավայրը ստեղծուած է տարբեր յորինուածքների շէնքերի առկայութեամբ: Դրանք վաղ միջնադարում կառուցուած նշանաւոր սրբավայրերի եւ զանազան շինությունների վերարտադրություններ են: Այս վերջիններիս պատկերներում կան նաեւ այնպիսիները, որոնք բազմայարկ են, ճակտոնով, երբեմն՝ սինագարդ: Դրանք վերացական չեն, կոնկրետ օբիեկտների իւրովի մեկնաբանություններ են:

Երբ Ստ. Մնացականեանը համաձայնում ու գրում է, թէ «...որոշ արեւմտաեւրոպական ուսումնասիրողներ Ջուարթնոցը մինչեւ իսկ նոյն այդ Քրիստոսի գերեզմանի տաճարի օրինակով կառուցուած յուշարձան են համարում»²⁴, նա պէտք է այդ ուսումնասիրողներին առաջարկէր նախ ցոյց տալ Քրիս-

24 Նոյն տեղում:

տոսի գերեզմանի պատկերը, ապա փորձեր մեզ համոզել դրանում: Եթե Չուարթնոցը Քրիստոսի գերեզմանի շինության կրկնությունն է, ապա այն պիտի Երուսաղեմի շենքերի ձևն ունենար, որովհետև Երուսաղեմի շենքերը պետք է որ աւելի վաղ նմանուէին Քրիստոսի գերեզմանի շենքին: Այդ ինչպէ՛ս եղաւ, որ մօտիկները չնմանուէցին, հեռաւոր Չուարթնոցը նրան կրկնեց: Մեր համոզմամբ, այստեղ առկայ է ճիշտ հակառակ մի երեւոյթ. վերջին շրջանում Քրիստոսի գերեզմանի ենթադրեալ շինության ձևը փնտրողները, ծանօթանալով թորամանեա նական վերակազմութեամբ Չուարթնոցի ազնուական ձևերին, ենթադրում են, որ թերևս մօտաւորապէս այդպիսին կարող էր լինել Քրիստոսի գերեզմանի շինութիւնը: Ըստ որում, հնարաւոր է ենթադրել, որ Սեն-Շապելի կառուցման ժամանակներում նոյնպէս քանդակողներն այդ մտադրութիւնն ունեցած լինեն: Դրանից ելնելով էլ նրանք այդ քանդակներում դրոշմել են Չուարթնոցը, ի դէմս նրա տեսել Քրիստոսի գերեզմանի շինութիւնը կամ Աստծոյ տունը երկրի վրայ:

Պ. Դոնաբեդեանի յօդուածի ամենաարժէքաւորը Սեն-Մաւեն վանքի ԺԱ.-ԺԲ. դարերի որմնանկարն է՝ նոյն Նոյեան տապանով, եռաստիճան, սիւնակամարաշար շինութեամբ, հեղեղից փրկուող մարդկանցով եւ կենդանիներով: Ըստ որում, շինութեան հիմքում բոլորակ լինելու հաւանականութիւնը հաւաստուում է նաեւ ճակտոնաւոր մուտքերի, ինչպէս Չուարթնոցում է, թէք դրուածքով: Յօդուածում հեղինակը նշում է. «Թէև Սեն-Մաւենի որմնանկարի եւ Սենտ-Շապելի հարթաքանդակների նմանութիւնները սահմանափակ են, բայց որմնանկարի առկայութիւնը մեզ թոյլ է տալիս մտածելու, որ այդ պատկերը (Նոյեան տապանը եւ տապանի վրայ բարձր, եռայարկ, գուցէ բոլորակ, սիւնաշարքերով եւ կամա-

րաշարքերով զարդարուած շենքը) կարող էր նախատիպ հանդիսանալ Սենտ-Շապելի քանդակների համար»²⁵:

Յօդուածագրի կարծիքով՝ Սեն-Մաւենի «Պարզունակօրէն պատկերուած յօրինուածքը բոլորովին չի յիշեցնում Չուարթնոցը»²⁶: Մենք մեզ թոյլ ենք տալիս Սեն-Մաւենում աւելին տեսնել: Եթէ Սեն-Շապելի եւ Չուարթնոցի կայն արտայայտում է պատկերի միանման կոմպոզիցիայով՝ ծաւալատարածական յօրինուածքների ընդհանրութեամբ, առանձին աստիճանների նոյնական համաչափութիւններով, յարդարանքի նոյնաձեւ մշակումով, բոլորակ պատուհանների առկայութեամբ եւ այլ կողմերով, ապա Սեն-Մաւենում որմնանկարի խոշորութիւնը թոյլ է տալիս տեսնել ճարտարապետական ձևերի, նոյնիսկ որոշ մանրամասների նոյնութիւնը Չուարթնոցի համապատասխան դրուագի հետ:

Այստեղ մարդիկ, նաեւ կենդանիները պատկերուած են «մարդակազմութեան» նոյն կանոններին համապատասխան, ինչպէս Սեն-Շապելում է. երկուստեք նոյնն են Նոյեան տապանն ու նրա վրայի շինութեան մանրամասները: Դեռ աւելին՝ Սեն-Մաւենի հարթաքանդակում շինութեան երրորդ աստիճանի յարդարանքը կազմող սիւնակամարաշարում սիւները գոյգ-գոյգ են եւ ունեն ընդհանուր խոյեակ՝ հայ ճարտարապետութեան ամենայատկանշական երեւոյթներից մէկը: Ճշտօրէն այդպէս է իրավիճակը Չուարթնոցի եւ Գազկաշէնի մեծ թմբկապատերի դեկորատիւ սիւնակամարներում, այդպէս է նաեւ զուարթնոցատիպ Բանակ տաճարում՝ համաձայն յուշարձանների ռէալ մնացորդների:

25 Պատրիկ Դոնաբեդեան, նշ. աշխ., էջ 266:

26 Նոյն տեղում, էջ 265:

Այլ ճարտարապետական շրջանակներում սիւները բարձրանում, հասնում են հորիզոնական հեծանին՝ արխիտրաւին, իսկ կամարները մնում են սիւներով ու հեծաններով ստեղծուած հարթութիւնների ներսում, մինչ հայ հին ճարտարապետութեան յուշարձաններում կամարներն անմիջականօրէն յենում են սիւների խոյեակների վրայ (այս ձեւն աւելի ուշ տեսնում ենք նաեւ այլ ճարտարապետական շրջանակներում): Ճշտօրէն այդպէս է Սեն-Շապելի հարթաքանդակի շինութեան պատկերում, նոյնն է նաեւ Սեն-Սաւենի որմնանկարներում:

Ահա եւ պարզում է, որ ինչպէս Սեն-Սաւենում, այնպէս էլ Սեն-Շապելի քանդակներում պատկերուած շինութիւնը յորինուածքով կոնկրետ է, հաւաստի վերարտադրութիւն է ունի շինութեան: Նրանում ձեւերն արտայայտում են որոշակի ոճ: Այդ ոճը ո՛չ եզրիպտական է, ո՛չ յունական կամ հռոմէական. այն նոյնիսկ բիզանդական-սիրիական չէ: Առանց մեզ համարձակութիւն վերագրելու՝ կարող ենք ասել, թէ այդ պատկերում դրոշմուած շինութիւնը հայ ճարտարապետութեան յուշարձան է: Չուարթնոցից առաջ այդ յորինուածքով, այդպիսի արտաքին յարդարանքով աշխարհում մի այլ շինութիւն գոյութիւն չունէր (հասկանալի է, որ քանդակողն իր ստեղծագործութեան համար որպէս նախատիպ ունենալու էր շինութեան առաւել հնագոյն օրինակը):

Ասուածից հետեւում է, որ Սեն-Սաւենի որմնանկարի եւ Չուարթնոցի ու իր նմանակների միջեւ անժխտելի է նմանութիւնը եւ որոշ մանրամասների նոյնութիւնը: Այս ունի իրողութիւն է, որին առաւել սթափ նայելը՝ պարզ անհրաժեշտութիւն է:

Յիշեալ որմնանկարի՝ Պ. Դոնաբեդեանի կողմից իր յօդուածին առընթեր ներկայացնելը որպէս Սեն-Շապելի հար-

թաքանդակին ինչ-որ չափով նման եւ նրա համար նախօրինակ, նշան է նրա, որ վերջինիս գոյութեան փաստը եզակի երեւոյթ է ու ճիշտ չէ Ստ. Մնացականեանի առաջ քաշած այն վարկածը, թէ « դա հենց Քրիստոսի գերեզմանի վրայ կառուցուած ռոտոնդաձեւ տաճարն է, որի կերպարը, սկսած 6-7-րդ դարերից մինչեւ ուշ միջնադար եւ նոյնիսկ մեր ժամանակները, լայն տարածուած է թէ՛ մանրանկարչութեան մէջ, թէ՛ զարդարուեստում» (ընդգծումն իմն է – Տ. Մ.):²⁷ Ինչպէս տեսնում ենք, Ստ. Մնացականեանի թէ՛ առաջներում բերած օրինակները եւ թէ՛ ներկայ գրաւոր «շատ տարածուածները» այլ բաներ են, իսկ Սեն-Շապելի քանդակները՝ այլ, որոնց նման որեւէ բան, այնուամենայնիւ, նա չի կարողանում ներկայացնել:

Արդ, Սեն-Շապելի հարթաքանդակների նշանակութեան մասին Չուարթնոցի ընդհանուր յօրինուածքի ձեւերի ճշգրտման առումով մեր նախորդ հրապարակումներում գրել էինք. «Ի վերջոյ յիշեալ քանդակապատկերն ասում է, որ Չուարթնոցը եղել է եռաստիճան (трехъярусный), եւ որ բոլոր աստիճանների հիմքում ունեցել է բոլորակ ձեւ»:²⁸ Հարցի ճարտարապետական կողմն այս է, որ մինչեւ հիմա պահպանում է իր այժմեականութիւնը:

Ահա այս եզրակացութիւնն է, որ առիթ է դարձել տարբեր յօդուածների երելալուն՝ ուղղուած Սեն-Շապելի հարթաքանդակների՝ Չուարթնոցի հետ ունեցած առնչութիւնների ժխտմանը:

Բանն այն է, որ Թորամանեանի վերակազմութեան, աւերակի ունի

27 Ստեփան Մնացականեան, Չուարթնոցը եւ նոյնատիպ յուշարձանները, էջ 209:

28 Տիրան Մարութեան, Մի նորայայտ վկայութիւն. նոյնի, Չուարթնոց եւ նոյնատիպ տաճարներ, էջ 118:

տուեալների, այս հարթաքանդակների եւ այլ նիւթերի հիման վրայ վերջնական ճանաչումն ի չիք է դարձնում Ստ. Մնացականեանի առաջարկած վերակազմութեան, տաճարի երկրորդ աստիճանի սահմաններում, արտաքուստ հիմքում խաչաձև նախագիծը, որը բոլոր արմատական հարցերում տարբեր է նախորդից, կրում է առաւելապէս վերացական բնոյթ ու չի հիմնւում աւերակի ոճալ, փաստական տուեալներին: Դեռ աւելին՝ գտնւում է նրանց հետ հակասական վիճակում: Մինչ Թորամանեանի նախագիծը շարունակում է մնալ բոլոր վերակազմութիւններից լաւագոյնը, ամենահաւանականը:

Ամենահետաքրքիրը եւ նշանակութեամբ կարելուրն այն է, որ Սեն-Շապելի հարթաքանդակների նորովի մեկնաբանման վիճարկողների բերած օրինակները, հակառակ իրենց ցանկութեան, ուղղուած են իրենց թեզերի դէմ եւ միաժամանակ զգալի նպաստ են թորամանեանական վերակազմութեան հաւաստիութեան, քանի որ որպէս օրինակ բերուող բոլոր շինութիւններում բոլոր աստիճաններն իրենց հիմքում բոլորակ են:

Ճարտարապետական յօրինուածքային տրամաբանութեամբ ճիշտը, բնականը սա է, հակառակը չկայ եւ լինելու բան չէ:

Աւելի տրամաբանական է մտածել, որ Նոյն իր տապանով ջրհեղեղից փրկում էր ոչ թէ «երկինք համբարձած Քրիստոսի երկրային գերեզմանը», այլ «Աստծոյ տունը», որը ջրհեղեղից յետոյ պիտի գոյատեւէր եւ ծառայէր ըստ նշանակութեան:

Ամբողջ միջնադարի ընթացքում Հայաստանը կապուած է եղել ինչպէս հարեւանների, այնպէս էլ Արեւելքի ու Արեւմուտքի հեռաւոր երկրների հետ: Այս պայմաններում կարելի՞ է տարա-

կուսել, թէ Ջուարթնոցի պատկերը կարո՞ղ էր յայտնուել Ֆրանսիայում: Եւ վերջապէս, ի՞նչը պիտի խանգարէր, որ Է.-Տ. դարերում մեծ հռչակ ստացած աննախադէպ կոթողի իւրօրինակ յօրինուածքն իր մանրամասներով յայտնի դառնար Ֆրանսիայում ու արձագանքը յարատեւէր մինչեւ ՏԳ. դար:

Պ. Դոնաբեդեանի կարծիքով՝ «Սեն-Սաւենի որմնանկարի գոյութեան փաստը, ինքնին, աւելի հաւանական է դարձնում այն վարկածը, ըստ որի Սենտ-Շապելի քանդակի նմանութիւնը Ջուարթնոցի եւ Գագկաշէնի հետ պատահական բնոյթ է կրում»:²⁹

Մենք հնարաւոր ենք համարում, ընդունելով ողջ վերոյիշեալը, յանգել տրամագծօրէն հակառակ եզրակացութեան, որ Սեն-Շապելից շատ էլ չտարբերուող Սեն-Սաւենի որմնանկարի գոյութեան փաստը դեռեւս ՏԱ.-ՏԲ. դարերում առաւել հաւաստի է դարձնում այն վարկածը, ըստ որի. ա) Սեն-Շապելի հարթաքանդակը ստեղծուել է տաճարի կառուցման ժամանակներում (1243-1248 թթ.), եւ եթէ այն երբեւէ ինչ-որ չափով վնասուել է, ապա վերականգնուել է ճշտօրէն սկզբնականի ձեւով, բ) Սեն-Շապելի քանդակը, նաեւ նրանից վաղ՝ ՏԱ.-ՏԲ. դարերում իրականացուած Սեն-Սաւենի որմնանկարը հանդիսանում են դեռեւս Է. դարի 40-50-ական թուականներին Արարատեան դաշտում կառուցուած Ջուարթնոց տաճարի վերարտադրութիւնը, գ) ֆրանսիական արուեստի այդ յուշարձաններում աւելի քան որոշակի է հայ ճարտարապետութեան ոճական արտայայտութիւնը, մի երեւոյթ, որի գոյութիւնը հնարաւոր է դարձել շնորհիւ տուեալ յուշարձանների

29 Պատրիկ Դոնաբեդեան, նշ. աշխ., էջ 266:

կերտմանը հայ արուեստագետների մասնակցությամբ:

Անցեալ տարուայ [1978 թ.] սեպտեմբերին Երեւանում տեղի ունեցաւ հայ արուեստին ու ճարտարապետութեանը նուիրուած երկրորդ միջազգային սիմպոզիումը: Մինչ այդ նորից այցելելով Չուարթնոց, ցանկանալով, որ հայրենի եւ օտարազգի գիտնականներն ու այցելուներն առաւել բարեկարգ տեսնեն յուշարձանը՝ «Երեկոյեան Երեւան» թերթում մի քանի տողով ներկայացրեցինք առաջարկներ³⁰: Դրանց թուում, մասնաւորապէս, յիշուում էին տարիներ առաջ մասնակի վերականգնման ժամանակ հարաւարեւելակողմի մի հանգոյցում իրականացուած սխալի շտկման, բազմաթիւ կարելուք բեկորների պահպանութեան բարելաւման եւ վերջիններիս հաշուառման՝ քարտարան ունենալու յոյժ անհրաժեշտութիւնը:

Սիմպոզիումից յետոյ՝ նոր այցելութիւնների ընթացքում, պարզ դարձաւ, որ յուշարձանում տեղաշարժեր տեղի ունեցել էին, սակայն ինչպիսի՞: Վերելում յիշատակուած սխալը տարիներ ի վեր շարունակուում է պահպանուել խիստ անձեռնմխելի. բոլոր բեկորները մնում են նախկին վիճակում, մի տարբերութեամբ միայն, որ թէպէտ առանց քարտերի եւ անոտացիայի, սակայն համարակալուել են, բայց եւ այնպէս՝ դուրս թողնելով որպէս «նշանակութիւն չունեցող», սակայն մեր գնահատմամբ՝ կարելուքազոյն բեկորներից որոշ քանակ: Իսկ թանգարանում նրա տնօրէն Վարդան Յարութիւնեանի սեփական նախաձեռնութեամբ սիմպոզիումին նախորդած օ-

րերին պատից իջեցուել եւ «պահեստաւորուել է» հետաքրքրազոյն ցուցանմուշներից՝ Փարիզի Սեն-Շապելի այն բարձրաքանդակի լուսանկարը, որը մեր հետազօտողներից մի քանիսի բացառութեամբ, ճանաչուում է որպէս Չուարթնոցի իւրայատուկ յօրինուածքի կրկնապատկեր:

Պարզուում է, որ թանգարանի տնօրէն Վարդան Յարութիւնեանը, ընթերցելով Պ. Դոնաբեդեանի ինֆորմացիա-յօդուածը վերոյիշեալ քանդակների վերաբերեալ, հարցը համարել է լուծուած յօգուտ յօդուածագրի, որ այդ «քանդակի նմանութիւնը Չուարթնոցի եւ Գազկաշէնի հետ պատահական բնոյթ է կրուում» եւ որ նրա յետագայ ներկայութիւնը թանգարանում, այն էլ՝ սիմպոզիումի օրերին եւ յետոյ, աւելորդ է, եւ այն պարզապէս հանուել է ցուցադրութիւնից:

Նկատի ունենալով, որ Պ. Դոնաբեդեանի վերոյիշեալ յօդուածն իրերի վիճակում ոչինչ չի փոխուում, դեռ աւելին՝ նրանում բերուած որոշ տուեալներ խորացնում են Սեն-Շապելի քանդակների եւ Չուարթնոցի առնչութիւնների միագամայն հաւաստի լինելը, մի բան, որ մեծ թուով մասնագետների մօտ որեւէ կասկած չի յարուցուում, կարծում եմ, որ Հայկական ՄՍՀ Պետշինի յուշարձանների նորոգման վարչութիւնը հնարաւոր կը համարի թանգարանի ցուցադրութիւն վերադարձնել Սեն-Շապելի բարձրաքանդակի լուսանկարը, թերեւս տեղ կը յատկացուի նաեւ միւս երկու քանդակների, ինչպէս եւ Սեն-Սաւենի որմնանկարի լուսանկարներին:

[1979 թ.]

30 Տե՛ս Տիրան Մարութեան, «Միայն երեք բեկոր (պրպտումներ Չուարթնոցի աւերակում)», - «Երեկոյեան Երեւան», 1 ապրիլի 1978 թ., թիւ 77:



